

26 Julie 2012

Jaargang 5 – Uitgawe 25

In hierdie uitgawe

- Voorblad
- Predikante en gemeentes
- Ander nuus
- Kommentaar
- Agterblad



Teken in op die e-Hervormer en ontvang elke uitgawe gratis per e-pos!

• Stuur 'n e-pos aan karen@nhk.co.za

Nuus, berigte en kort kommentaar (uiters 100 woorde) aan produksie@nhk.co.za



Skakels

Webblad van die Hervormde Kerk www.nhka.org

Die Hervormer

e-Hervormer

www.hervormer.co.za

www.hervormer.co.za/e_Hervormer.html

Indien u nie weer die e-Hervormer wil ontvang nie, klik op www.hervormer.co.za/cancel.html

VOORBLAD

Sielsiek of siek tot in die siel?

In Aurora, Colorado, stap James Holmes by 'n rolprentteater in en begin skiet op die fliëkgangers. Oomblikke later lê 12 mense, die jongste 'n kind van ses, dood. Nog baie is ernstig gewond. Mark Stephenson vra in 'n artikel op die elektroniese nuusbrieff van die Christian Reformed Church in Amerika of Holmes se optrede suiwer net spruit uit *mental illness* en of daar nie ook iets soos *moral illness* ter sprake is nie.

Dit wat Stephenson aan die orde stel, resoneer nogal by 'n mens omdat aanverwante sake tans in Suid-Afrika ook die nuus haal. In die verhoor van die sogenaamde Sondagverkrachter, Jaco Steyn, ontvou getuienis van onmenslike wreedheid teenoor sy slagoffers. Hierby kan die dade van die sogenaamde Modimolle-monster en die talle voorbeelde van uiterste wreedheid tydens plaasaanvalle gevoeg word. In baie gevalle word die beweerde dader baie gou gestuur vir sielkundige waarneming. Die veronderstelling is dat iemand wat in staat is tot sulke dade sielsiek (*mentally ill*) moet wees. Stephenson vra die vraag of so iemand se waardestelsel nie ook dalk siek is nie (*morally ill*). Is so iemand nie dalk siek tot in sy siel nie, en wat sê dit dan van die samelewing waaruit dié persoon kom?

Niemand is ooit een honderd persent liggaamlik of geestelik gesond nie. Ons beweeg almal op en af op 'n glyskaal tussen gesond wees en siek wees. In die een of ander stadium maak professionele mense aan die hand van wetenskaplik bepaalde kriteria die diagnose of 'n persoon ly aan 'n liggaamlike siektetoestand, soos longontsteking, of geestelike siektetoestand, soos depressie. Hierdie siektetoestande is diagnoseerbaar en behandelbaar.

'n Siekte van die waardestelsel is egter 'n perd van 'n ander kleur. As 'n mens kriteria hiervoor wil vasstel, veronderstel dit dat daar 'n standaard vir 'n gesonde waardestelsel moet wees. Iets soos 'n standaardstelsel van waardes bestaan egter nie, en dit sal haas onmoontlik wees om 'n universele beskrywing van 'n waardestelsel wat siek is, daargestel te kry. Hierteenoor is die beskrywing van iets soos longontsteking dieselfde dwarsoor die wêreld.

'n Volgende probleem is om die begrippe *siekte* en *waardestelsel* saam te gebruik. Normaalweg is die opdoen van 'n siekte iets waaroor 'n mens nie beheer het nie. Jy kies nie om siek te word nie. Dis iets wat bloot gebeur. 'n Waardestelsel, daarenteen, het alles te make met keuses. 'n Siekte van die waardestelsel sou beteken dat dit iets is waaroor jy tegelyk geen beheer én volle beheer het – en dat iemand wat só siek is, tegelyk verantwoordelik en nie verantwoordelik vir sy dade is nie.

Maar al sê 'n mens al hierdie dinge, bly die vraag: Hoe gebeur dit dat iemand soos 'n James Holmes van Aurora, Colorado, wat volgens alle inligting 'n skrandere, stil en teruggetrokke persoon was, op 'n dag vierstuks gewere vat en eenvoudig onskuldige mense begin afmaai? Wat dryf 'n Jaco Steyn, volgens alle aanduidings 'n stil, vriendelike gesinsman, om vermeendelik Sondag vir Sondag uit te gaan en onskuldige jong meisies te verkracht, ook te vermoor?

Stephenson vra die vraag of mense soos hierdie werklik net sielsiek is, en of 'n jarelange wegkalwe van waardestelsels nie dalk 'n groter rol speel as wat 'n mens vermoed nie. Is dit nie dalk so dat die grens tussen reg en verkeerd al so vervaag het dat 'n massamoordenaar of 'n reeksverkrachter nie meer die onderskeid kan tref nie? In hoe 'n mate is ons samelewing siek tot in sy siel? En – hoe groot is die aanklag dan teen ons, die geestelike leiers van 'n samelewing?

Ds Etienne Fourie



PREDIKANTE EN GEMEENTES

Alle lief en leed vir plasing in die kerklike publikasies moet aan die Sekretaris vir SENTIK, dr Wouter van Wyk, by wouter@nhk.co.za gestuur word, of skakel hom by 082 339 2332.



Ds Coen de Lange

Ds Lou Swanepoel

- Emerituspredikant **ds Coen de Lange** ontvang tans behandeling teen kanker. Ons bid ds Coen en sy vrou Susan krag toe en vertrou dat hy gou beterskap sal ervaar.
- Emerituspredikant **ds Lou Swanepoel** is onlangs in Unitas-hospitaal opgeneem na 'n hartkramp. Hy sal waarskynlik binnekort 'n hartritmemonitor-inplanting ondergaan. Ons bid hom algehele herstel toe, en dink aan hom en sy vrou, Frieda.



Dr Jan Oberholzer

Ds Frans Redelinghuys

- **Dr Jan Oberholzer**, ouderlinglid van die Kommissie van die Algemene Kerkvergadering (AKV) en vroeër bestuurder van die Kinderhuise, was onlangs twee keer in die hospitaal. Daar is, benewens sy kardiomiopatie en hartversaking waarmee hy drie jaar gelede uit diens is, nou ook redelik aggressiewe kanker by hom gediagnoseer. Die kanker het reeds versprei na aanliggende organe en kliere en sal chirurgies verwyder moet word, waarskynlik op 10 September. Ons bid dr Jan en sy gesin sterkte en beterskap toe.

- **Ds Frans Redelinghuys** van Gemeente Sasolburg het die Dekaaansmedalje vir die beste Meesterstudent in Teologie ontvang toe hy onlangs sy Meestersgraad in Teologie aan die Universiteit van die Vrystaat verwerf het. Die fokus van sy studie was spiritualiteit. Baie geluk aan ds Frans!



Ds Piet Steenkamp

- **Ds Piet Steenkamp** van Gemeente Saffierkus ontvang op 5 September sy doktorsgraad in Organisasiegedrag in die Fakulteit Ekonomiese en Bestuurwetenskappe aan die Universiteit van Pretoria. Die titel van sy proefskrif is *A meaningful workplace: From theory development to applicability*. Die studie ondersoek mense se belewenisse van sin in die werkplek. Baie geluk aan ds (dr) Piet!

- **Gemeente Rustenburg-Suid** se e-posadres het verander. Dit was nhrbsuid@mweb.co.za, en is nou nhrbsuid@gmail.com.

- **Gemeente Swartkop** samel **ou en oortollige Bybels** in en versprei dit aan behoeftige gemeentes. As u aan die poging wil deelneem, kontak die gemeente se kerkkantoor by 012 654 3471, of Hennie Roux by 012 660 0632 / 082 848 9789.



- **AKSIEGROEP VIR BEJAARDES: 'n Wenk vir bejaardesorg**

Moenie bejaardes met verkleinwoordjies soos *Oumatjie*, *Oompie*, *Mensie*, ensovoorts, aanspreek nie. Alhoewel jy dit goed mag bedoel, tas dit hul menswaardigheid aan.

Gaan na www.diakens.co.za vir meer inligting oor bejaardesorg.

- **Bejaardes en gestremde persone in Pretoria:** Munisipale korting word toegestaan deur die *City of Tshwane*. Gaan na www.diakens.co.za en kyk regs by 'Warm brood' vir die aansoekvorm. Indien u probleme ondervind om toegang tot die aansoekvorm te verkry, kan u in verbinding tree met die sekretaris van die Algemene Diakensvergadering, ds Gerhard Stoltz, by gerhard@diakens.co.za.

- Daar is nog eksemplare beskikbaar van die **Almanak/Bybelse Dagboek van 2012**, nou teen die **verminderde prys van R60** (posgeld uitgesluit). Kontak mev Susann van Zyl van die SENTIK-boekwinkel by sentik@nhk.co.za, 012 322 8885 x291 of faks 086 633 4054.





- **Gemeente Buffelspoort** (by Mooinooi) beskik steeds oor 'n vakature vir 'n **orrelis**. Stuur aansoeke aan ds Neels van Tonder by nvtonder@vodamail.co.za, of kontak hom by 072 633 3367.
- **Preekbeurte in Dullstroom**. Predikante kan by Gemeente Dullstroom preek en gratis verblyf vir die naweek kry. Die gemeente bied gratis verblyf vir 'n **predikant en sy/haar gade** in ruil vir die gratis preek; **een** voorskoolse kind kan gehuisves word. Daar word voorsien vir **twee nagte**; indien u 'n ekstra nag wil oorbly en ekstra mense bring, moet u dit **vooraf** met Jan Bette by 073 790 3357 bespreek; die derde nag en ekstra mense is op u eie koste. Kontak Johanna by 072 116 3353 of nhkdullstroom@yahoo.com.
- Predikante wat kans sien om 'n Sondag in **Harare** te preek, kan **ds Theuns Botha** kontak by camelhors@gmail.com of tel 00263 777008324. Ds Botha hou een erediens per maand in Harare, en die gemeente wil graag meer predikante uitnooi om by hulle te kom preek. Predikante hoef **net die Sondag om 10:00** die erediens waar te neem. Indien die ring of gemeente nie die koste kan dra nie, is die gemeente bereid om daarmee te help. 'n Gemeentemotor is beskikbaar en huisvesting word gereël. Vliegkoste wissel maar beloop ongeveer R4 500 per besoek. Die gemeente het groot waardering vir die Kerk se hulp en bydraes in die verlede.

Spesiale erediens en feesnaweke

- **Gemeente Piet Retief: Eeufeesvieringe**
Vrydag 17 tot Sondag 19 Augustus
Vrydagaand: Dankdiens
Saterdag: Outydse basaar soos 'n eeu gelede
Tema: *Die vier ou provinsies (Kaap, Natal, Transvaal en Vrystaat)*
Tradisionele lekkernye en verskeie uitstallings uit die era
Saterdagmiddag: Voorbereidingsdiens
Sondag: Nagmaal op die outydse manier
Almal trek aan soos die mense van 'n eeu gelede
Tydens die sang sal almal bly sit (kerkraad het eers in 1944 besluit dat tydens sang gestaan sal word as die liturg dit verkies)
Dalk het iemand nog 'n swaelstertpak?
Vrouens dra hoede
Broeders sal eerste en daarna die susters by die tafel aansit
Na dankseggingsdiens (nabetragting) 'n gesellige ete
Feesbundel word saamgestel om later te verskyn
Deel u ou foto's en staaltjies uit die verlede met ons vir opname in die bundel
Skakel Jan Venter by 082 925 3951
- **Gemeente Bosmansrust: Sondag 23 September om 11:00**
Dankfees en Nagmaal
Viering van 125ste bestaansjaar van gemeente
100-jaar-viering van kerkgebou
Alle oudpredikante en vorige lidmate welkom
Ete na die diens
Antwoord asseblief voor 31 Augustus
Kontak Piet Marx by 082 708 6761 of pamarx@lantic.net

Predikanteverjaardae

Die volgende predikante verjaar tot 3 Augustus, en word hartlik geluk gewens.

- o Donderdag 26 Julie: Di André Oberholzer (Harrismith) en Louis Steyn (emeritus)
- o Saterdag 28 Julie: Prof Gert Pelser (emeritus)
- o Sondag 29 Julie: Ds André Thomas (Oos-Moot)



- o Maandag 30 Julie: Di Pieter Bester (Glencoe), Sarel Oosthuizen (Stilfontein-Wes) en Danie van der Watt (Montana)
- o Dinsdag 31 Julie: Ds Antoinette van Zyl (Vrede) en dr Jan Vorster (Olifantsfontein)
- o Vrydag 3 Augustus: Ds David du Plessis (Wonderboom-Suid)

Beplande vergaderings

- o Saterdag 28 Julie: Werkgroep vir Gestremdes
- o Maandag 30 Julie: Welstand van gemeentes en predikante
- o Vrydag 3 Augustus: Kommissie van die AKV (buitengewone vergadering)
- o Saterdag 4 Augustus: Kommissie van die ADV
- o Maandag 6 Augustus: Raad vir SENTIK

Kursusse en toerusting

- **Gelowige Gesinne Gesprek (GGG): Naweekseminaar**
Vrydag 14 tot Sondag 16 September
Inisiatief van Kommissie van die AKV, gefasiliteer deur Gemeente Montana Kerkterrein, hv Azanza- en Jan Bantjesstraat, Montana
Tema: *Sagte-oë-ouerskap*
Ouerskap met 'n verskil: Hoe om jou kind emosioneel gesond te maak
Is jy 'n ouer, werk jy daaglik met kinders en ouers op terapeutiese vlak?
Is jy betrokke by ouer- en kinderbediening?
Kontak Esmé by Montana-kerkkantoor 012 567 1753

Beskikbare behuising

- **Ons Tuis (Riviera)**
Tehuis vir versorging van verswakte bejaardes het tans plek beskikbaar
Volledige versorgingsfasiliteit wat insluit:
 - o 24-uur mediese versorging
 - o 3 maaltye per dag
 - o Sekuriteit
 - o Gereelde sosiale aktiwiteiteVir meer besonderhede, skakel Ons Tuis
Matrone E Mans 012 329 3623
Aansoekvorms kan afgetrek word van www.otmt.org
of kontak H Fourie by 012 325 1857 om aansoekvorms te stuur
- **Andries-Marié Oosthuizen Monumenttehuis (Parys)**
Behuising vir seniorburgers
Daar is tans die volgende behuising beskikbaar:
MET VERSORGING
 - o 1 dubbelkamer (verkieslik 'n egpaar) – 24-uur-versorging
 - o Koste per persoon R5 500 per maand
(sluit in 3 etes per dag, wasgoed en kamer skoonmaak), opnamefooi R3 000**SELFVERSORGING**
 - o A-gang: 1 enkelkamer, R3 050 per maand
(ingesluit 3 etes, wasgoed en kamer skoonmaak 1 x per week)
 - o B-gang: 1 dubbelkamer (egpaar) – R3 050 per persoon
(ingesluit 3 etes, wasgoed en skoonmaak van kamer 1 x per week)
 - o H-gang: 1 ruim kamer met eie badkamer, stoepie en tuintjie
(ingesluit middagete) – R3 000 per maandEenmalige opnamefooi van R3 000
Ondersteunende dienste beskikbaar
Kontak matrone Alet Botha by 056 811 2185 vir meer besonderhede

VAKANSIEVERHURING

- * Huis met praguutsig in **Heroldsbaai** in sekuriteitskompleks te huur
- * 3 slaapkamers, 2 badkamers, binnebraaiplek, groot stoep, waskamer en enkelgarage
- * Slaap 6 tot 8 persone
- * R1 050 per nag, elektrisiteit uitgesluit (koopkrag)
- * 'n Bykomende woonstel (slaap 4) ook te huur indien meer as 8 persone, vir R550 per nag
- * Minimum verhuurings tydperk 10 nagte
- * Duvets en kussings word voorsien
- * Foto's op aanvraag beskikbaar
- * Deposito 50% by bespreking
- * Skakel 082 579 6966 of e-pos elise.heyns@gmail.com



Konserte en feeste

- **Saterdag 28 Julie 09:00 vir 09:30: Gemeente Pretoria NHSV English High Tea**
 Drag: Formeel (kerkdrag met hoed, krale, handskoene, ens)
 Spreker: Jackie Nel met *Modewenke vir die winter*
 Stringetjie egte pêrels sal met 'n trekking weggegee word
 In Dienssentrum van Ons Tuis
 hv Soutpansbergweg en Parkerstraat, Riviera
 Ingang in Parkerstraat, veilige parkering
 Donasies by deur sal welkom wees, vir barmhartigheid
 Kontak Ansie Joubert by 012 321 7580
- **Saterdag 28 Julie om 09:00: Gemeente Alberton: Pa-en-seun-ontbyt**
 Tema: *Jag*
 R50 per persoon
 Kaartjies beskikbaar by ds Tiaan Loedolff 073 529 1538
 en Pieter Schreiber 082 332 4252
- **Saterdag 4 Augustus om 10:00: Gemeente Midrand: Damesdag**
 Tema: *Vroue in die voetspore van Christus*
 Kaartjies R100 per persoon
 Ma en dogter = R150
 Pensioenarisse = R50
 Eetgoed en geskenke
 11de Straat 124, Erand Gardens, Midrand
 Kontak ds Paula Eksteen-Erasmus by 083 282 5121 of nhkmidrand@gmail.com
- **Donderdag 9 Augustus: NHSV Hartbeesfontein: Damesoggend**
 NG Kerksaal Hartbeesfontein 10:00 vir 10:30
 Hernu jou lewe, gees, styl en uitkyk
 Inspirerende nuwe idees, pitkos en 'n vars nuwe styl – spesiaal vir jou!
 Saam met Henre Botha (Gospelsanger) & Augus & Ronel
 Aandrokke word gemodelleer
 Stalletjies & ligte ete
 R100 per persoon
 Kontak Carina by 082 564 1424 of Lizbe by 082 878 6643
- **Saterdag 18 Augustus: NHSV Leeudoringstad: Oggendtee met 'n verskil**
 Smaaklike sjampanje-ontbyt
 Tema: *Titanic*
 Kontak Corrie Marais by 082 374 6026 of corriem@suidwes.co.za



- **Saterdag 18 Augustus: NHSV Swartruggens: Damesoggend**
Kom geniet 'n sprankeloggend en kry nuwe visie, hoop en lewe
Gretha Wiid met *Eva se lyf* en gasverskyning deur Qualitrio-manne
NHK Kerksaal Swartruggens om 10:00
Verversings is ingesluit
Uitstallers reeds van 09:00 af
R100 per persoon
Kontak Erica by 082 924 6099
- **Vrydagaand 24 Augustus: Gemeente Bronkhorstspuit**
Sorina "die Flooze"
In kerksaal 18:30 vir 19:00
R100 per persoon, R50 vir laerskoolkinders
Navrae aan Alta Bester by 082 936 5289
- **30 Augustus tot 8 September: Gemeente Delmas**
Jerusalem, Jerusalem!
Interkerklike opvoering
By NG gemeente Delmas-Wes
Vir meer inligting, kontak Martin Rossouw by 082 410 1936

Kampe en toere

- **Toer op Bybelse voetspore...**
Egipte, Israel en Jordanië
4-18 Desember 2012
Kontak ds Hannes van der Merwe by 082 575 1979
of hannes@pretoriaoos.com vir meer inligting



Elzette Minnaar Toere
Namakwaland en Weskus Blommetoer
17-24 Augustus en 23-30 Augustus

Kom ervaar die nostalgie van die Weskus
en die towertapyt van Namakwaland!

Ons besoek Upington, Augrabies-watervalle, Keimoes-padstal,
Skilpadnatuurreservaat, Lambertsbaai, Clanwilliam,
die Velskoen- en Rooibosteefabriek, Bokkomlaan Lambertsbaai,
Muisbosskerm, Postberg, Saldanhaabaai, Wynkelder, Tafelberg,
Waterfront en meer tot in Kaapstad. 'n Onvergeetlike ervaring!

R6 500 per persoon wat deel

012 546 0770 / 012 565 4883
lztoer@iburst.co.za

Kompetisies en fondsinsamelings

- **Gemeente Witfield in Boksburg: Boogjagkompetisie**
Sluitingsdatum: 29 Julie 2012
Kaartjies R100 donasie
1ste prys: 10 diere, waarde R40 000, en 5 nagte verblyf
2de prys: 8 diere, waarde R19 300, en 3 nagte verblyf
3de prys: 6 diere, waarde R11 000, en 3 nagte verblyf
Geborg deur Nyalarus, tussen Groblersdal en Marble Hall
Geweerjag kan gereël word
of keuse om plaas se professionele jagter te gebruik
Pryse verval op 30 September 2012
Kontak Adri Nel by 084 200 1027
of Chaan Bezuidenhout by 082 853 5895 vir meer inligting



- **Gemeente Kampersrus: Vakansiekompetisie**
Trekking: 27 Oktober 2012
Wen 'n naweek ter waarde van R28 000
Kaartjies teen R100 elk
Kontak een van die volgende persone:
Ds Marius Kramer 083 310 6042
Rene Pretorius 082 458 7144
kampersrus@nhk.co.za
- **Gemeente Leeudoringstad: Kompetisie om Doringfees bekend te stel**
Pakkette beskikbaar, ook aan gemeentes
R1 000: 20 boekies ter waarde van R10 000
(gemeente kan dus R9 000 wins maak)
R2 500: 50 boekies ter waarde van R25 000 (wins R22 500)
R5 000: 100 boekies ter waarde van R50 000 (wins R45 000)
Kaartjies slegs R50 elk – en 11de kaartjie in die boekie is gratis
Trekking Saterdag 29 September om 12:45
Kontak Berno Robinson by 082 395 9241

Basaars en markte

- **Saterdag 28 Julie: Gemeente Zwartuggens: Bosveldvleisfees**
Pannekoek en vars koffie vir die wintersoggend, boerbrode uit die oond
Vetkoek, pap-en-kaiings, en vele meer
Vleis, wors en biltong teen die beste pryse
Boerseep, kunswerke en handewerke uit ons eie huise
Kindertuin met springkasteel, gesigte wat geverf word en vermaak vir klein tot groot
Veiling: Wildjagpakkette en bekende skilder se skilderye
Groente en vrugte om van te kies en keur
Gaskunstenaar: Die Rissieboer
Grootskerm vir rugby-entoesiaste
Kompetisie vir Mej Bosveld Vleisfees
Uitstalling van nuutste Ford Ranger-reeks
Kitsbank op die perseel vir kontant en kaartbetalings
Navrae aan ds Gerhard Kruger by 082 850 8692
of Erica Kruger by 082 924 6099

THABAZIMBI
Apiesdoring Karnaval
Saterdag 4 Augustus

*Brul soos 'n bul en wen R10 000-00
kontant in ons jaarlikse
dieregeluid-namaakkompetisie!*

www.apiesdoringkarnaval.co.za



- **Vrydag 3 tot Sondag 5 Augustus: Gemeente Buffelspoort: Buffelfees**
By ATKV Buffelspoort-vakansieoord buite Mooinooi
Kunstenaars Vrydagaand: Ian Wessels (Loslippig) en Jason Bradley
Saterdag: Manie Jackson, Jennifer Zamudio, Johan Britz, Jenny Kirsten, Jolanda Spann en Jason Bradley
Saterdag ook bergwedloop, minikrieket en Mej Buffelfees
Heerlike kos en uitstallings
Navrae aan gemeentelike kerkkantoor by 014 572 3125
of marikana@nhk.co.za
- **Saterdag 1 September: Gemeente Mafeking: Flower Power Lentebasaar**
Op die kerkterrein
Wen pryse ter waarde van R10 000 – 'n bees/R4 000
of 2 nagte midweek vir 4 persone in houthuis in wildreservaat by Bloemhofdam
Om te kwalifiseer, maak donasie van R50 of veelvoude daarvan aan die gemeente
Prystrekking op 1 September om 15:00
Navrae: Kallie Landsberg (079 893 9031) of Nelia Landsberg (083 665 6239)
- **Saterdag 1 September: Gemeente Montana: Bokkefees**
Op kerkterrein (hv Azanza- en Jan Bantjesstraat, Montana)
Wildsgeregte om van te kies en keur asook ander eetgoed
Boogskiet vir ouers en kinders, speletjies, perderitte, ens
Kontak Esmé by gemeentelike kerkkantoor 012 567 1753
- **Saterdag 1 September: Gemeente Ventersdorp: Basaar**
Vanaf 09:00
Kom geniet die plattelandse atmosfeer
Baie vleis en eetgoed
Navrae aan nhkven@lantic.net
- **Saterdag 8 September: Gemeente Bothaville: Kaboemieliefes**
Met DJ Ossewa en Adele Botes
Op die kerkterrein (Careystraat 39)
Heerlike kos: braaivleis, potjiekos, roosterkoeke, sosaties, ens
Kom geniet 'n heerlike plaasontbyt met lewer en pap
Verfbal en Kinderland vir wonderlike vermaak
Groot pryse om te wen: 10 speenkalwers as 1ste prys (kaartjies R100)
Uitstallings, vlooiemarkstalletjies, ou karre en ou trekkers
Navrae by kerkkantoor 056 515 2673 of henniepretorius@lantic.net
- **Vrydag 28 tot Sondag 30 September: Gemeente Zeerust**
Bosrumoer
By Doornrivier 4x4, Zeerust
Kontak ds Barrie Oberholzer by 082 211 7926 of bosrumoer@gmail.com
<http://www.bosrumoer.co.za>
- **Saterdag 29 September om 09:00: Gemeente Leeudoringstad Doringfees**
Gaskunstenaar Sorina die Flooze
Navrae aan gemeentelike kerkkantoor by 018 581 2055
of nhkleutjies@nwet.co.za

ANDER NUUS

- **Piet Grobler**, oudpredikant van die Hervormde Kerk en bekende kunstenaar, was op Dinsdag 24 Julie saam met sy gesin en sy broer in 'n ernstige motorongeluk op die R21-hoofweg naby die Olifantsfontein-afrigetrokke. Piet se vrou Griet en hul dogter Catherina is na die ongeluk oorlede. Hulle was vir 'n besoek in Suid-Afrika, nadat hulle in 2009 na Brittanje verhuis het. Piet was van 1985 tot 1990 predikant van die Kerk. Ons innige simpatie gaan aan Piet en die res van die familie.



- **Die Ondersteuningsraad (OSR)** bied vanjaar weer vir minderbevoorregte tieners 'n kamp aan te Mooikrans Equus in Amersfoort, van Sondagoggend 30 September tot Vrydagmiddag 5 Oktober 2012. Die koste beloop **R850 per kind** wat die busvervoer, etes, aanbieding van die program, gebruik van toerusting, ensovoorts, insluit. Aangesien hulle nie vir hulself kan betaal nie, word fondse benodig om die kinders te borg. Persone wat 'n **kind wil borg of 'n donasie wil maak**, kan Suzanne van Deventer van die Pretoriakantoor kontak by 012 325 2320 of oraad@telkomsa.net. Die bankbesonderhede is soos volg:

Die Ondersteuningsraad
 ABSA
 Tjekrekening
 Rekeningnommer: 000602795
 Takkode: 323 345
 Beskrywing: Kampfonds

- **Beeld-Kinderfonds 2012**

Kaartjies vir die kompetisie om fondse vir die versorging van kinders in te samel, kos **R25** elk, waarvan R12,50 aan elke deelnemende welsynsorganisasie terugbetaal word. Onder andere 'n Peugeot 107, 'n seereis op MSC Sinfonia, 'n vakansie by Go Wild Resorts asook R50 000 in kontantpryse kan gewen word. Kaartjies is beskikbaar by **die Ondersteuningsraad** se kantore asook by hul hoofkantoor en die Sinodale Kerkkantoor in Pretoria. Kontak Ansie Cromhout of Susan Moore by 012 322 8885.

Warm wintervermaak



Akkerpret is prettige poppeteater wat kinders Bybelse waardes aanleer. 'n Ryk skatkis van karakters hou die kleinspan vasgenael voor die skerm.

Akkerpret-pakket 1: Bestaan uit DVD's 1, 2 en 3 PLUS gratis CD 1
Akkerpret-pakket 2: Bestaan uit DVD's 4, 5 en 6 PLUS gratis CD 2
Nou: R200,00 per pakket Was: R249,95
 DVD: R95,95 per DVD CD: R79,95 per CD
 e-aankope: www.bybelmedia.co.za



- **NEGENDE SUID-AFRIKAANSE KONGRES VIR CALVYNNAVORSING 15 tot 17 Augustus 2012** (Woensdagaand tot Vrydagmiddag)
 Aros (Akademie Reformatoriese Opleiding en Studies) is gasheer
 Kontak ds HH van Alten by hhvanalten@vgkmaranata.org.za of 012 332 3256 indien u wil bywoon
- **INTERNASIONALE KINDER- EN JEUGKONFERENSIE 26-28 September 2012**
 Fakulteit Teologie, NWU, Potchefstroom
 Gerig op predikante, kategete, ouers en almal wat met kinders en die jeug werk
 Verskeie gesamentlike en parallelle sessies
 Wetenskaplike én meer populêre lesings
 Sprekers: prof Malan Nel; Craig Groome; Marius Storm; Petra Kollege; ongeveer 30 ander
 Konferensiegangers is vir eie huisvesting verantwoordelik
 Kry inligting oor gastehuse by http://www.potchefstroom.co.za/accommodation/acc_guest_houses.html
 Navrae aan dr Rudy Denton by 018 294 3509 of rudy@nhk.co.za



- **Bybelgenootskap: Goeie nuus vir blindes**
’n Volledige **Braillebybel** wat uit ongeveer 45 boeke bestaan, kos die Bybelgenootskap sowat R3 200 per stel. ’n Blinde persoon kon tot nou toe ’n Braillebybel teen die prys van ’n Standaardbybel (R52) aankoop. Die verlies van meer as R3 000 word deur bydraes van donateurs gedek. **In die toekoms sal blinde persone hul Braillebybels gratis ontvang.** Kontak net die naaste Bybelhuis – kry die besonderhede by biblia@biblesociety.co.za. Onthou: ’n Bydrae aan die Bybelgenootskap kan ’n blinde help om die Goeie Nuus te ontvang!
- **Bybelgenootskap: Gholfdag**
Dinsdag 9 Oktober: Gelyktydige begin 11:00
Serengeti-gholfklub
Betterball Stableford
R3 000 per 4-bal (sluit aandete in)
Kontak Jenene Bernhardt by 011 552 7208
of jenene@serengeti.co.za
- **ADVERTENSIES** waarvan ’n private individu of instansie die begunstigde is, of waarin ’n gemeente ’n projek prominent wil bekendstel, kan in die **e-Hervormer** geplaas word. Dit bestaan hoofsaaklik uit **teks van ongeveer 110 woorde** (u kan eenvoudige grafika of ’n foto voorsien), maar daar sal nie onderhandel word oor die uitleg daarvan nie. Indien ’n jpg-weergawe van die advertensie voorsien word, moet dit **verkieslik nie groter as ’n standaard besigheidskaartjie** wees nie. Die advertensie moet saam met die bewys van betaling gestuur word aan mev Tessa Oppermann, per faks na 086 633 4059, of per e-pos na produksie@nhk.co.za. GEEN advertensie sal geplaas word sonder dié bewys nie. Die **teks en bewys van betaling** moet mev Oppermann bereik teen 16:00 op die Dinsdag voor die betrokke uitgawe se verskyning. Die *e-Hervormer* word Woensdae saamgestel en verskyn elke Donderdag. Indien die plasing meer as een keer moet geskied, moet aangedui word op watter datums dit moet verskyn, met betaling vooruit vir al die beoogde plasings. **Die koste is R150 per plasing (BTW ingesluit).**

Die verskuldigde bedrag moet uitgemaak word aan:
Raad van Finansies
ABSA Bank
Tjekrekening nommer 020-000-287
Takkode 632-005
Verwysing: u naam + e-Hervormer Ads

KOMMENTAAR

Lesers kan kort kommentaar (**uiters 100 woorde**) stuur aan produksie@nhk.co.za. Langer bydraes sal nie geplaas word nie, en moet eerder na die gespreksforum van die Kerk se webblad gestuur word; gaan dan na www.nhka.org → Praat saam en kies die opsie wat u pas. Anonieme bydraes word ook nie gebruik nie. Die finale besluit oor plasing in die *e-Hervormer* berus by die redakteur.

Lidmate van gemeentes waar ’n kerkraad moontlik met meerderheidstem besluit het om kerklike eiendom te vervreem en andersins in stryd met die Kerkorde optree, se lidmaatskap van die Hervormde Kerk kan daardeur in die gedrang kom. Lidmate wat deel wil bly van die Nederduitsch Hervormde Kerk van Afrika, word versoek om op een van die volgende maniere met die Kerk kontak te maak:

- **SMS** jou naam, gemeente, kontaknommer en e-posadres na 074 406 6303 (slegs SMS’e, nie oproepe nie). Die Sinodale Kerkkantoor sal jou binne 7 dae kontak.
- **Telefonies:** Skakel mev Marié van Niekerk by 012 322 8885 x254.
- **Stuur ’n e-pos** na nhk@nhk.co.za.



- Kontak jou gemeente se konsulent, of 'n ander predikant in die ring. Hul inligting is op die Kerk se webblad beskikbaar by www.nhka.org (onder So werk ons / Predikante).

Die Kerk sal hierdie inligting met groot sensitiwiteit hanteer.

AGTERBLAD

Bydraes vir die Teologiese Opleidingsfonds 2012

Aan bedienaars van die Woord

Skribas

Lidmate van die Nederduitsch Hervormde Kerk van Afrika

Broeders en susters

Hiermee vestig ek u aandag op die deurkollektes van die Teologiese Opleidingsfonds wat vanjaar op die twee Sondae van 29 Julie en 5 Augustus 2012 plaasvind.

In dié verband kan dit nie anders nie as om almal wat die afgelope jaar die Fonds getrou met u bydraes ondersteun het, opnuut hartlik te bedank. Dit getuig van u positiewe gesindheid wat alleen met dank vermeld kan word. In die lig daarvan ook baie dankie by voorbaat vir u bydraes by die twee genoemde deurkollektes.

Hou dit in gedagte: Die Fonds het op 28 Februarie 2012 die vlak van **R5,446,206.25** bereik, wat beteken dat ons vanjaar waarskynlik ses miljoen rand gaan haal!

Bedienaars van die Woord: Sal u asseblief die Fonds se meriete tydens die twee Sondae stel en dit aan die lidmate oorlaat om daarmee te handel?

Betaal asseblief u bydraes direk in die rekening van die Fonds in by ABSA Bosmanstraat, rekening nommer 404 863 2649.

Nogmaals hartlik dankie en seën op u dienswerk in die gemeentes van die Kerk!

Dr Barry van Wyk



Die Teologiese Opleidingsfonds